

適園叢書

張宗祥



通國書舍



張氏藏

得樹樓雜鈔卷十一

海寧查慎行悔餘纂

三百涇○新唐書地里志海鹽有古涇三百蓋海鹽爲秦縣古縣治廣斥舊屬吳郡唐天寶中析北境爲華亭縣吳越錢氏始隸秀州明宣德四年又析東北四鄉爲平湖縣今本縣所轄止六鄉十六都惟橫涇陶涇麻涇之名尙存又有獨匯涇據澈水志云自六里堰過東入紫雲村路是也

鷓鴣湖在海鹽縣西南四里按此卽今之黃道湖上有黃道神廟故俗因而改稱

永安湖今名南湖按志本二名隄南曰永湖北曰安湖灌湖田七千三百餘畝舊爲沃壤今北湖爲葑田矣

海鹽城外捍海塘舊有海月亭望海鎮寧海鎮又有九塗十八岡三十六沙今皆淪于滄波浩淼中

馬嘯城卽海鹽縣城見吳越春秋

上潭下潭○澈水志海外蘇州洋西南一潮至浙江名上潭浙江一潮回歷海昌之黃灣又一潮至澈浦名下潭

海鹽諸山自杭州歷海寧分支而來勢皆東趨海一支遵海東北行五里曰鹿山曰颺山曰廟山曰荆山皆臨永安湖又東北六里曰鳳皇山又一里曰吳家山又一里茶磨山又一里邵灣山東南一里曰葫蘆山東北一里曰青山又東三里曰長牆山在澈浦鎮一支北行十五里曰夾山東北連金粟山東南行一里曰紫雲山東北行五里曰大橫山小橫山一

支西北行二十五里踰長湖曰沈山

卽峽石

一支東行十三里

曰豐山又七里曰土山一自青山東行十六里曰小步山大

步山又二里曰泊櫓山自長牆山南行二里曰秦駐山十八

里達海鹽縣東南二十里曰白塔山望虞山俱在海中又自

海東北行三十里曰雅山曰故邑山在乍浦鎮

按以下諸山今皆在平湖

縣境

又東北曰湯山曰苦竹山曰觀山曰高公山蒲山又東曰

采薺山在海邊又東北曰益山又東曰陳山東北接獨山皆

沿海又並海陸行二十里踰石亭浦又二十里踰蘆漚浦又

東三里入松江府界又十五里始達金山衛北接柘湖山

夾山嘉禾舊志云山在金牛金粟二山之閒故名

礪

俗讀如臘

頭門山一名廟山在海鹽縣西南四十五里澈浦西

北三里山上有礪王廟無可考

硤石○徐泰海鹽志云海寧縣硤石鎮西有紫薇山東有沈山夾山並峙故名沈山俗名東山鹽轄也舊圖經云宋臨海太守沈景葬此山因名杭州志謂漢時審食其葬此作審山者非是

譚山

今俗作檀山

在海鹽縣西南四十一里澈浦之西十里紫雲

山之南有高嶺過此入海寧縣界乃唐仙人譚峭得道處

金粟山吳赤烏中建寺在海鹽縣西南三十五里舊志云山高九十八丈周六里一名六里山按六里今作角里與金粟相望南北距水非一山也志訛

金粟寺舊名廣惠禪院永樂舊志寺內有含暉堂上有秦王

劍池今不可考

茶院永樂海鹽志云吳越有國時嘗于金粟寺施茶賜名施茶院宋祥符中改廣惠禪院而毘陵胡澐所撰廣惠寺記則云吳赤烏中康僧舍自康居國來至金粟山時值暑月構亭施茶以濟渴已而建寺與志互異未詳孰是

海場煮鹽法佃場一丁橫九弓從倍之鑿潭受潮削沙爲灰碌扒碎之篠竿勻之木瓢灑之晨灑而夕收收以削刀夾以板阜灰成埂防雨也且再碌之攪之灑之夏曬二三日秋冬曬四日灰成乃築溜圍土加櫃長八九尺從殺之高二尺深三尺溜旁爲井深八尺溜底藉以木加以竹覆以薪冒以草灰取場灰實溜中踐加實焉稻薪覆灰多擔潭中之潮傾草

上潛滲入井則鹵成矣一溜得鹵二十擔上鹵重百三十斤
用石蓮子三投鹵中最重一次重一又次重一上鹵則最重
者浮否則最重者沈次重者乃浮也煮用大鑊二中鑊一中
鑊以貯生鹵去火稍遠使漸熱漸添入大鑊惜薪也二大鑊
爲一邊用鹵六擔得鹽百四十斤久晴則鹽多久雨則鹽少
以鹵味有濃淡也

密雲名圓悟荆谿人住金粟廣慧寺五年後於太白山示寂
金粟有悟衣鉢塔弟子受記者十三人大瀉如學鄧尉法藏
夔州海月金粟通乘

字石車

寶華通忍龍池通微天童道忝

字木

陳

雪竇通雲古南通門報恩通賢通玄通奇

海鹽多詩僧明洪武中楚石梵琦有北遊集和陶詩其後雪

江明秀有雪江集一卷戒襄有平野集二卷秋岩法衡朗印
源受皆有詩集悅支斯學有幻華集二卷

一貫三爲王說文於王字下引孔子曰一貫三爲王不知出
何書

腳色世俗以屬官呈送上司開列出身歷官謂之腳色按朱
子于慶元五年乞致仕與時宰劄子云熹始生之年號紀建
炎歲在庚戌應舉入仕腳色分明推移至今適滿七十足歲
私歲官年原無增減云云則此二字其從來已久

私歲官年

見上

正色五青赤黃白黑閒色亦有五紺紅縹紫流黃見太平御
覽流黃不知何色古詩云中婦織流黃沈佺期詩云更教明

月照流黃黃山谷詩云明于機上之流黃似織絲而成采者
初不得其解後閱朱子全集答張敬夫問目中一條云青赤
黃白黑五方正色也綠紅碧紫駟五方之閒色也以木之青
克土之黃合青黃而成綠爲東方之閒色以金之白克木之
青合青白而成碧爲西方之閒色以火之赤克金之白合赤
白而成紅爲南方之閒色以水之黑克火之赤合赤黑而成
紫爲北方之閒色以土之黃克水之黑合黃黑而成駟爲中
央之閒色所云綠者卽縹也碧者卽紺也所云駟者卽流黃
也流黃乃黃黑色周公謹癸辛雜識亦云閒色亦相克而成
木克土則青黃合爲綠金克木則青白合爲碧火克金則赤
白合爲紅水克火則黑赤合爲紫土克水則黃黑合爲駟與

朱子之說同而與御覽稍異

史記春申君傳引易曰狐涉水濡其尾與經文小異又引詩曰大武遠宅而不涉則經無此句當是逸詩

漢初占候家非一有五行堪輿建除叢辰天人太乙歷家諸名見日者傳褚先生曰下所以史記於日者列傳之外又有龜策列傳以著龜專屬卜筮也叢辰太乙兩家今不可考建除之名尙見於歷家堪輿則屬地理家矣

猶子子姪兄弟之子通稱其來久矣二程先生集中亦用子姪字胡文定家刻本改爲猶子朱子極辨其非引禮記云兄弟之子猶子也言人爲兄弟之子喪服猶己之子本不是稱呼只是記禮者之辭如下文嫂叔之無服姑姊妹之薄也今

豈可沿此遂謂嫂爲無服而名姑姊妹爲薄乎古人固不以
兄弟之子爲姪然亦無云猶子者二先生非不知此然從俗
稱姪者蓋亦無害于義理也云云愚按猶子之稱朱子之辨
確矣如孔子謂回也視子猶父也予不得視猶子也然則門
人亦可稱猶子乎原姪之名見於爾雅女子謂舅弟之子爲
姪春秋傳曰姪從其姑姪本對姑之稱然史記田蚡傳云蚡
爲諸郎未貴往來侍酒魏其跪起如子姪晉書王湛傳云濟
才氣抗邁于湛略無子姪之敬顏氏家訓云兄弟之子北土
皆呼爲姪韓昌黎城南登高詩云親交旣許來子姪亦可從
姪與姪同則是兄弟之子稱子姪自西漢以後皆然見於史
傳者班班可攷一程似非從俗稱朱子特未深考耳

鶻崙吞吾鄉俗語凡食物入口不加咀嚼便下咽者謂之鶻崙
崙吞按朱子與許順之尺牘日用動靜語默無非下學聖人
豈曾離此今動不動便先說个本末精麤無二致正是鶻崙
吞棗向來李丈說鐵籠罩卻之病恐未免也

動不動亦吾鄉口語

見上

閣正○朱子與柯國材尺牘末云閣正孺人令郎各安佳與
俗下稱朋友之妻爲尊夫人不同又作閣政亦出朱子尺牘
齊人伐燕事孟子分明是宣王史記則以爲宣王之子湣王
所載事跡似乎鑿鑿有據司馬溫公作通鑑從孟子而不從
史記朱子謂溫公平日不喜孟子到此又卻信之張敬夫說
通鑑有未盡處此一節亦是可疑朱張兩先生之意似皆以

從孟子爲非究竟未詳孰是真千古疑案也

朱子論葬法多用炭屑沙灰蓋沙灰以隔蠅蟻炭屑以拒木根其說詳見文集第四十五卷答廖子晦書中

落南○南渡之初中原士大夫之落南者高宗許占寺院居住時趙忠簡居越之能仁趙忠定居福之報國曾文清居越之禹蹟汪玉山居衢之超化他如范元長呂居仁魏邦達甚多余曾大父少師亦居湖之鐵觀音寺後遷天聖寺焉

癸辛

雜志

鹽養花○凡折花枝搥槌碎柄用鹽築令實柄下滿足插花餅中不用水浸自能開花作葉不可曉也

癸辛雜志

董儀父鴻嘗云易有聖人之道四焉王輔嗣去三而存一于

道缺焉晦庵知其非所以本義啟蒙各以卜筮言之然雖知其爲卜筮之道而不知所以爲卜筮之道不過復以理言之則亦何異乎輔嗣哉此段載周密癸辛雜志中董儀父南宋末人不知其云所以爲卜筮之道者義又安在恐儀父亦不能言其所以然也

芒種後逢壬日入梅是日所種花草雖至難活者亦皆活申日亦可

癸辛雜志

繭瓶○伯機云長安中有耕者得陶器於古墓中形如臥繭口與足出繭腹之上下其色黝黑勻細若石光潤如玉呼爲繭瓶大者容數斗小者僅容數合養花成實

癸辛雜志

潛說友卽編輯咸淳臨安志者縉雲人甲辰得第

理宗淳祐四年咸

淳庚午

度宗六年

爲京尹凡四年後因誤捕賈似道私穠事去踰

年起家守吳聞元帥至計無所出適時宰欲以金銀往舒城

犒軍會舒已下不得進寄吳門郡庫潛因移爲撒花用偕表

同往北師旣退自以全城爲功未幾朝廷知其事遂罷去文

天祥實代之後從二王入閩二王入廣潛留守閩中末乃復

爲元守以泉軍支米不得羅剖腹之酷

癸辛雜志

方回徽人字萬里號虛谷所選詩名瀛奎律髓近世淮南石

門俱有新刻板癸辛雜志載其生平甚悉理宗朝以別頭登

第寓杭之三橋旅樓爲庶官時嘗賦梅花百詠以諛賈秋壑

遂得朝除及賈之貶回慮禍及遂反鋒上十可斬之疏以掩

其跡由此遂得嚴州未幾元帥至回倡言死封疆忽不知所

在人皆以爲死矣乃迎降於三十里外遂得總管之命有老吏疏爲方回十一可斬之說使似道有知將大笑於地下矣其他鄙瑣穢褻之事錄之不勝錄略摘數行以見其人乃宵小無行之尤者而徽州人至今稱爲虛谷先生駸駸列于道學殊失考證故特表而斥之

泰山如坐嵩山如臥華山如立

雜志

彪字韻書字書皆不載見癸辛雜志虜中謂一聚馬爲彪或三百匹五百匹云云須再考

咸陽有六岡如乾之六爻故曰咸陽唐時宮殿皆在九岡上而作太清宮于九五岡百官府皆在九四岡上

同前

卯酉剋損目○凡人損目者命多是卯酉克蓋卯酉者日月